

漢

書

辨

疑

目用也隸書仏不成字故加人於左

芒碭山澤閒 碭當从易

高祖怪問之呂后曰 闕本作高祖怪問呂后后曰

秦二世元年 闕本連上不提行二年三年放此

令置將不善 令南雍本闕本及史記竝作今

願吏擇可者 吏南雍本闕本及史記竝作更

注割廬山發而出水 割闕本作葛

秦泗川監平注師古曰川或爲水 案地理志作泗水則

作水者是

周勃傳作泗水

走至戚師古曰東海縣 胡梅磧曰沛郡與東海相去頗

遠壯兵敗而走未必能至東海之戚班志沛郡有廣戚

縣恐是走至廣戚

章邯破殺魏王咎齊王田儋於臨濟 田儋魏豹傳荀悅

漢紀皆作臨濟惟項籍傳作臨菑疑誤

至城陽 城當作成此濟陰之成陽縣與濮陽相近

乃道碭至陽城與杠里 胡梅磧口自碭取道而西也陽

城史記作成陽韋昭曰在潁川則是謂陽城也索隱曰

在濟陰則是謂成陽也杠里孟康服虔皆以爲縣名而

班志無之予按沛公之兵自碭而攻秦道成陽與杠里

而後破東郡尉於成武成陽縣屬濟陰成武縣屬山陽

濟陰唐爲曹州成武屬焉若取道潁川之陽城當自此

西趨洛陝安得復至成武邪當從史記成陽爲是杠里

之地蓋在成陽成武之間

與魏將皇欣武滿軍滿閭本及史記俱作蒲

又戰曲遇東郡國志河南中牟有曲遇聚

從轅轅薛綜注東京賦曰轅轅阪十二曲道將去復還

故曰轅轅

與南陽守麟麟漢紀作呂齡

封陳恢千戶漢紀作千戶侯李賡芸曰封恢千戶猶陳

餘在南皮而環封三縣不必侯也漢紀侯字或衍高紀十一

年封薛公千戶亦非侯

往說秦將昭眊利昭與囁同史記樂毅傳令趙囁秦以

伐齊之利徐廣曰囁進說之

漢元年傷人及盜抵罪注李奇曰 裴駰集解作李斐說

毋內諸侯軍 內讀若納

會羽季父左尹項伯 左尹官名

臣與將軍戮力攻秦 戮闕本作勦注同說文勦并力也
戮殺也其義迴別書湯誥聿求元聖與之勦力左氏昭
廿五年石經勦力壹心戰國策勦力同憂高誘曰勦力
勉力也其字皆從力惟成十三年左傳有戮力同心然
唐石經及宋本皆作勦

籍何以生此 生南雍木闕本皆作至

喻因譙讓羽 方言譙讓也齊楚宋衛荆陳之閒曰譙自
開而西秦晉之閒凡言相責讓曰譙讓

與樊噲靳疆滕公紀成 勝公夏侯嬰也紀成索隱曰漢書作紀通通紀成之子與今本不同

收巴蜀租給軍食 軍下南雍本閩本俱有糧字

二年河南王申陽降 河南故秦三川郡

新城三老董公 此與武五子傳壺關三老茂皆縣三老也隋文帝改新城爲伊闕取山爲名

以魏地萬戶封生 貢禹傳天子報禹曰朕以生有伯夷之廉史魚之直師古曰生謂先生與此同義

漢王以韓信爲左丞相 李膺芸曰曹參以假左丞相定魏齊以右丞相侯鄺商遷右丞相賜爵列侯後復以右丞相擊陳豨樊噲亦嘗遷左丞相皆係空名不居其職

故公卿表不載

三年十月甲戌晦日有食之 在斗二十度燕地

十一月癸卯晦日有食之 在虛三度齊地

良發八難 八難見良本傳

賴生說漢王 漢國三老袁良碑云厥先舜苗世爲封君
周之興虞闕父典陶正嗣滿爲陳侯至元孫濤塗初氏
父字立姓曰袁魯僖公四年爲大夫哀十四年頗作司
徒其末或適齊楚而袁生獨留陳當秦之亂隱居河洛
高祖破項實從其策案今本左氏傳及石經皆作賴陸
氏釋文本作袁穀梁傳法言並作袁不从車旁唐宰相
世系表袁生元孫榦榦八世孫良則良卽袁生之後裔

也

八月臨河南鄉注師古曰鄉讀曰嚮 鄉當讀爲饗荀悅

漢紀作王饗師河南

四年割洪溝呂西爲漢 洪當爲鴻注作鴻

乃封侯公爲平國將 荀紀作平國君

五年深壘而守 壘南雍本閩本竝作塹

隨劉賈皆會 閩本隨下有何字南雍本亦脫

封項伯等四人爲列侯賜姓劉氏 四人謂射陽侯劉繆

徐廣曰項伯名繆字伯 平皋侯劉它桃安侯劉襄也共一人漢表

宋聞史記作元武侯

大王陛下注應劭曰陛下升堂之陛 升閩本作外南雍

本亦誤

七大夫公乘目上皆高爵也 賈誼傳雖有長爵不輕得
復張晏曰長爵高爵也雖受高爵之賞猶將禦寇不得
復除逸豫也

高起王陵對曰注張晏曰詔使高官者起故陵先對孟康
曰姓高名起臣瓚曰魏相邴吉高帝時奏事有將軍臣
陵臣起 案瓚說非也魏相傳述高帝時受詔長樂宮
者但有將軍臣陵無臣起荀悅漢紀亦無高起二字張
孟說皆不了當是衍文

徙諸侯子關中 諸侯子猶言諸侯人也上文云楚子諸
侯人之慕從者數萬人文淵曰楚子猶言楚人也諸侯

人猶諸侯國人

六年令天下縣邑城 荀紀作命復天下縣邑

今上尊太公曰太上皇 案秦始皇本紀云追尊莊襄王
爲太上皇高帝用秦制也

七年擊韓王信於銅鞮斬其將 其將王喜也

蕭何治未央宮 太平御覽引關中記云未央宮蕭何所
造周迴二十三里疏龍首山土爲殿基殿基出長安城
上

注蓋蕭何初立未央宮 立閭本作治

置宗正宮 宮當作官宗正本秦官是時始置

八年上東擊韓信餘寇於東垣 此韓信韓王信也

賈人毋得衣錦繡綺縠絺紵 縠釋名云縠也其形足
足而踞視之如粟也又謂沙縠亦取踞踞如沙也劉當
作縠說文縠魚網也縠西胡毳布也

九年詔敢有隨王罪三族 案周官小宗伯掌三族之別
以辨親疏鄭注三族謂父子孫人屬之正名婚禮請期
辭曰惟是三族之不虞欲及今三族未有不億度之事
而迎婦也如此所云三族不當有異姓異姓其服皆緦
麻不禁嫁女娶妻惟尙書歐陽家以九族爲父族四母
族三妻族二其實非也爾雅釋親父之親爲宗族母之
親爲母黨妻之親爲妻黨是族與黨秩然有辨若合異
姓爲族則名不正矣如惇以三族爲父族母族妻族者

失之張晏以爲父母兄弟妻子亦未爲得也

十年五月太上皇后崩七月太上皇崩葬萬年 案盧綰

傳云十年秋太上皇崩史記七月太上皇崩櫟陽宮楚
王榮王皆來送葬則晉灼以爲長夏五月太上皇后崩
八字者是也汪家說皆不了荀悅漢紀五月太上皇崩
七月太上皇葬於萬年雖較漢書明晰然以盧綰傳及
史記證之晉灼說爲優

常山二十五城 地理志常山郡縣止十八蓋後又改隸
或分析耳

注購設賞募也 募也下南雍本闕本俱有音構二字

相國鄧侯注臣鄧曰鄧音贊 予族子站曰地理志南陽

沛二郡並有鄧縣以說文解字攷之南陽縣作鄧沛縣
作鄧實不同也何封在沛故班固十八侯銘云文昌四
友漢有蕭何序功第一受封於鄧應劭謂其字音嗟故
與何爲韻也其作泗水亭碑亦然惟臣瓚據茂陵書以
爲何封在南陽不知封南陽鄧者乃何曾孫慶非何也
水經注泗水下亦謂何封在南陽蓋又因臣瓚而誤

其有意稱明德者

三史拾遺曰

詹事兄所撰三史攷異史漢及後漢書已先

付劄劄復有所得者名曰拾遺

文選注引漢書意作懿懿稱者美稱也

與明德對文則懿義爲長古文懿與意通書金縢懿公
命馬融本噫作懿云懿猶億也詩大雅抑篇國語作懿
戒小雅抑此皇父箋抑之言噫論語抑與之與蔡邕石

經抑作意是懿抑意憶四父可通川也小顏於意稱闕而不解由於未識古音

上見公 南雍本闕本竝作上召見

此問帝崩 闕本此作比

惠帝紀

有罪當盜械者皆頌繫 漢紀頌作容案古容字作頌詩序曰頌者美盛德之形容儒林傳魯徐生善爲頌師古曰頌讀與容同漢楊統碑攷庶斯之頌儀義亦作容及內外公孫耳孫 耳孫元孫之曾孫也爾雅釋親及平紀諸侯王表甚明當從晉灼說應劭李斐皆誤

二年正月癸酉有兩龍見蘭陵家人井中 家人漢紀作

人家案五行志癸酉有兩龍見於蘭陵廷東里溫陵井中則作人家者是

郃陽侯仲薨 侯薨不書此何以書以高帝親兄且故代王也

三年立閩越君搖爲東海王 搖漢紀作繇案搖與繇同漢書徭役字皆作繇

注在吳郡東南濱海云 閩本無云字

四年七月乙亥未央宮凌室災 五行志作十月漢紀作三月

六年六月舞陽侯增薨 侯薨不書增何以書高后時諸呂顯權用事大臣側目增尙剛直未必黨同劉氏安危

所繫故特書

高后紀

太子立爲皇帝 他紀皆云某日太子卽皇帝位此處書法不同蓋呂后臨朝稱制與自立無異且太子是後宮美人之子非孝惠子不旋踵而爲呂后幽廢與恆山王無異故變文書之

通立兄子呂台產祿台子通四人爲王 通后紀七年及外戚傳並作建四王合爲呂王產爲梁王祿爲趙王通爲燕王

元年初置孝弟力田二千石者一人 二千石指郡國守相也按其文義當是二千石各一人猶言令各舉一人

也若卽以二千石秩加之必不能如此之優顏說非是
強爲淮陽王注韋昭曰今陳郡 畱字衍

三年江水溢流民四千餘家 江水下脫漢水南雍本闕
本俱有之五行志作漢中南郡大水漢紀亦作江水漢
水溢流

注所謂焚錢者 者南雍本闕本俱作也

七年九月燕王建薨 建當作通九月荀紀作八月

八年封中謁者張釋卿爲列侯 高帝約非有功不侯恩
澤侯自張釋卿始書之於紀惡其夷約也燕王湯傳作
大謁者張卿恩澤侯表作張釋史記表及後漢書襄楷
傳又作張澤此又作張釋卿本紀表傳不同

注其有加愚者 愚聞本作異

江水漢水溢流萬餘家 五行志灤中南郡水復出流六千餘家河水流萬餘家

過其姑呂頹 呂頹樊噲妻也說文頹女字也賈侍中說楚人謂姊爲頹離騷女頹之嬋娟王逸曰屈原姊也詩正義引鄭注周易歸妹以須亦云屈原之姊名女須是須與頹古字通呂頹爲呂后姊也

迺令持節矯內勃北軍 內讀爲納下母內相國產殿門殿門非內並同

文帝紀

母曰薄姬注如淳曰姬音怡眾妾之總稱 如說是也六

朝人稱妾母爲姨卽此意但不知姬有怡音因變文爲
姨此俗間之謬耳攷爾雅釋親妻之姊妹同山爲姨豈
可以稱眾妾小顏謂姬不當音怡失之

丞相臣平太尉臣勃大將軍臣武御史大夫臣蒼注服虔
曰武柴武 大昭案服說非也若柴武爲大將軍位又
在御史大夫之上則權貴無比公卿表不應失書攷高
五王傳漢聞齊王舉兵相國呂產等遣大將軍穎陰侯
灌嬰將兵擊之嬰至滎陽乃謀曰諸呂舉兵關中欲危
劉氏而自立今我破齊還報是益呂氏資也乃留兵屯
滎陽使人諭齊王及諸侯與連和以待呂氏之變而共
誅之又灌嬰傳云呂后崩呂祿等欲爲亂齊哀王聞之

舉兵西呂祿等以嬰爲大將軍往擊之嬰至滎陽乃與
絳侯等謀風齊王以兵誅諸呂齊兵不前絳侯既誅諸
呂嬰自滎陽還與絳侯陳平共立文帝於是益封嬰三
千戶爲太尉觀本紀元年詔書益封戶邑者止有太尉
勃丞相平將軍嬰而無名武之大將軍則其爲灌嬰何
疑嬰之大將軍是呂祿等所置故公卿表不載至棘蒲
侯柴武爲大將軍其事在三年因濟北王反遣武擊之
事已卽罷故表亦不載服氏謂文帝卽位之初卽有大
將軍柴武失之遠矣

宗正臣鄧注文穎曰劉鄩案百官表高后二年上邳侯
劉鄩客爲宗正又王子侯諸侯王表竝作鄩客而史記

表與此紀俱作郢

臣謹請陰安侯注蘇林曰高帝兄伯妻

案漢書婦人封

侯者四陰安之外蕭何夫人爲鄧侯呂嬃爲臨光侯

文紀

注作林

光誤 奚涓母底爲重平侯

遂卽天子位

他帝皆云卽皇帝位此獨云天子者孝文

謙讓再三而後踐阼不敢以美稱自居史家著其謙德

元年詔曰天下人民未有慝志

史記慝作嫌荀子榮辱

篇臭之而無嫌於鼻楊倞注嫌當爲慝蓋義與慝同

或陷於死亡

說文陷壁危也

二年十月丞相陳平薨

丞相薨例書日不書姓惟陳平

灌嬰書姓不書日申屠嘉不書日翟方進書姓仍書日

爲吏及詔所止者遣太子 謂遣列侯太子之國

注欄猶介然也 史記集解引漢書音義欄下有然字

初與郡守爲銅虎符 說文琥發兵瑞玉爲虎文蓋用兵
取其威武故玉與銅皆用虎也

三年其爲遂率列侯之國 遂南雍本闕本作朕字

註誤吏民 說文註誤也史記張儀傳夫不顧社稷之長
利而聽須臾之說註誤人主無過此者

四年九月封齊悼惠王子七人爲列侯 案王子侯表悼
惠王子十人皆以五月甲寅封此作七人又作九月皆
誤

十四年建成侯董赫內史樂布皆爲將軍 建成侯董赫

史記孝文紀作成侯赤徐廣曰赤姓董漢書匈奴傳作
成侯董赤功臣表及漢紀俱無建成侯董赫但有成敬
侯董濞孝惠元年康侯赤嗣是建成侯衍建字赫赤古
字通又攷百官表文十四年有內史董赤而無樂布布
傳又不言曾爲內史竊意內史二字當在成侯之上

後元年無有所隱 閩本隱下有也字

二年結微於道 微古轍字南雍本閩本作轍

四年四月丙寅晦日有蝕之 五行志作丙辰

六年日中大夫令免爲車騎將軍 漢紀令免作李勉今

作令免字之誤也徐廣以爲中大夫令是官名小顏以
爲文帝時尚無此官其人姓令名免二說皆誤

故楚相蘇意爲將軍 漢紀意作隱案意隱古字通春秋
季孫意如公羊傳作隱如

七年夏六月 案五行志及荀悅漢紀是年正月辛未朔
日有食之本紀失載

姪帶無過三寸 姪當爲經南雍本閩本及漢紀竝作姪
景帝紀

高廟酎奏武德文始五行之舞 鄭司農注春官大胥云
漢大樂律曰卑者之子不得舞宗廟之酎除吏二千石
到六百石及閭內侯到五大夫子先取適子高七尺已
上年二十到三十顏色和順身體脩治者以爲舞人
減者欲不受獻罪人不帑不誅亡罪不私其利也 案不

私其利也五字當從閩本在不受獻之下者古嗜字孟子者秦人之炙係爽音義云者本亦作嗜小顏曰幣讀與孥同攷毛詩禮記漢書皆作幣尙書孟子作孥俗字也起於呂忱字林見張參五經文字

遣御史大夫青翟至代下 案翟字衍百官表作陶青

廷尉信謹與丞相議 信廷尉名百官表孝文後元年有廷尉信

二年十二月有星孛於西南 漢紀作十一月

封故相國蕭何孫係爲列侯 功臣表孝景二年侯嘉以

則弟紹封二千石本傳與表及漢紀皆同係當作嘉

三年二月壬子晦日有蝕之 五行志作壬午晦漢紀作

辛巳朔

四年十月

戊晦日有蝕之 五行志漢紀皆不載

七年正月

歲皇太子榮爲臨江王 表作十一月己酉

中元年封故御史大夫周苛周昌孫子爲列侯注師古曰

封苛之孫及昌之子也 案顏說非是功臣表高景侯

周成以父苛功爲侯孝文時有罪國除孝景中元年侯

應以成孫紹封史記同則應乃苛之曾孫不得謂之孫

矣又云汾陰悼侯周昌再傳至孝文時有罪國除孝景

中元年

俗本作中二年誤

侯左車以昌孫紹封爲安陽侯

昌傳亦以

左車爲昌孫

則左車乃昌孫非昌子也孫子二字當有關誤

小顏未之攷耳

二年九月封故楚趙傅相內史前死事者四人子功臣表皆云四月丁巳封

三年春正月皇太后崩 予謂此七字衍史記及漢紀俱無此事

九月立皇子乘爲清河王 表云三月丁酉立

四年起德陽宮 闕本作陽德宮注竝同

五年立皇子舜爲常山王 表云三月丁巳立

六年四月梁王薨 梁王武不書名疑轉寫者脫之

後二年詔曰奸法與盜盜甚無謂也 謂闕本作異

今訾算十日上乃得宦 董仲舒傳云選郎吏又以富訾未必賢也

贊岡密文峻 岡古網字

漢書辨疑卷一終

漢書辨疑卷二

嘉定錢大昭晦之甫學

武帝紀

封皇太后同母弟田蚡勝 說文地行鼠伯勞所作也

一曰偃鼠重文作蚡

建元二年注本槐里之縣茂鄉 之縣二字南雍本闕本

竝倒轉

廢遷防陵 表傳竝作房陵

五年春罷三銖錢 五行志及漢紀是年正月己巳朔日

有蝕之紀失載

注王王后之姊武帝然祖母 王后當作皇后然當作外

六年春二月乙未遼東高廟災 五行志作六月丁酉疑

誤

八月有星孛於東方長竟天 此卽蚩尤旗也五行志云
長星出於東方長終天三十日去

遣大行王恢將兵出豫章大司農韓安國出會稽擊之

案大行當作人行令百官表云典客秦官景帝中六年
更名大行令表中建元五年有大行令王恢大司農當
作大農令百官表云治粟內史景帝後元年更名大農
令武帝太初元年更名大司農表中建元三年北地都
尉韓安國爲大農令故太初以前表所載惠股鄭當時
顏異正夫孔僅劉安國張成等皆大農令至桑羊以後

乃稱大司農然則建元時不當有大司農無疑也

越人殺郢降 越上當有閭字

元光元年注以三星見 三當作長

夏四月 案五行志及漢紀二月丙辰晦日有食之本紀
不載

海外肅舛 古文慎作昏不从目

欲刷恥改行 貨殖傳刷會稽之恥師古曰謂拭除之

元朔元年匈奴入遼西殺太守入漁陽雁門敗都尉 敗

閭本作殺

二年三月乙亥晦日有蝕之 五行志作二月乙巳晦

六年 五行志是年十一月癸丑晦日有蝕之漢紀作癸

酉此不載

元狩元年怵於邪說 怵讀若誑說文誑誘也食貨志云
善人怵而爲姦邪李奇曰怵誘也動心於姦邪也

注應劭曰狃怵也 陳景雲曰狃怵二字當乙應氏本蓋

以怵爲怵也

景雲字少章長洲人有兩漢訂誤四卷

元鼎二年夏大水關東餓死者以千數 據魏相傳是時
平原勃海太山東郡博被災害

四年立后土祠於汾陰脽上 說文邠河東臨汾地卽漢
之所祭后土處从邑癸聲邠正字脽借用字漢舊儀又
作葵司馬貞曰蓋河東呼誰與葵同耳酈道元分邠邛
與脽爲二失之

注此於觀爲衛公 此闕本作封建武十三年封姬常爲

衛公郡國志衛公國本觀

注利長先作土人持勒鞞於水旁 作疑當作使

獲祭於廟 祭南雍本闕本竝作薦

拜況于郊 況古凱字倍十五年左氏傳女承筐亦無凱

也釋文本亦作況子虛賦來況齊國爾雅釋詁貺賜也
遣伏波將軍路博德出桂陽下湟水 湟水小顏無注當

作湟水音相近而誤水經湟水出桂陽縣盧聚東南過

含湟縣南出湟浦關爲桂水地理志南海郡中宿縣有

湟浦關此正伐南越之道若是湟水則出金城臨羌塞

外與此不相涉

歸義越侯嚴爲戈船將軍 嚴漢紀作嚴助非是嚴助未
嘗封侯依張晏說以爲故越人降爲歸義侯則越字當
在歸義之上如下文越馳義侯遣之例矣功臣表亦無
此侯

甲爲下瀨將軍 不知其名謂之甲也甲漢紀作祖廣明
六年郎中令一自爲征西羌 一當作徐百官表元狩六
年有郎中令徐自爲

珠崖儋耳郡 賈捐之傳云二郡皆在南方海中洲居廣
袤可千里合十六縣戶二萬三千餘始元五年罷儋耳
郡并屬珠崖初元三年并罷珠崖

元封元年親登嵩高 嵩闕本作崇崇嵩字說文新附章

昭注國語云嵩古通用崇郊祀志作崇高

注比古制也 比南雍本閭本皆作此

秋有星孛于東井又孛于三台 五行志作五月

三年作角抵戲 刑法志云戰國稍增講武之禮以爲戲
樂用相夸視而秦更名角抵蓋古有此戲今復作之

五年舳舻千里 說文舳舻也漢律名船方長爲舳舻一
曰舟尾舳舻也一曰船頭

故馬或奔蹏而致千里 李善曰言馬不良或奔或蹏御
之以道而致千里之策越絕書曰有高世之材者必有
負俗之累也

夫泛駕之馬 應劭曰泛覆也馬有餘氣力乃能敗駕

太初二年臘五日 諸家以臘爲緇臘緇臘者立秋時行之後漢書劉聖公傳欲以立秋日緇臘時其功更始是也此臘行於三月恐非其義說文解字臘楚俗以二月祭飲食也一日祈穀食新曰離臘繫傳本無離字其說近之注卽得所築城 得闕本作徐

注則搜索踰侈者也 闕本無則搜二字

天漢四年 據後漢書西南夷傳是年省沈黎郡并蜀爲西部

太始元年徙郡國吏民豪桀于茂陵雲陵 小顏以爲當言雲陽其說是也荀紀云陵在雲陽

夏六月 五行志及漢紀是年正月乙巳晦日有蝕之

二年九月募死罪人贖錢五十萬減死一等 顧炎武曰
此與天漢四年一事重見又同是九月案漢紀亦重載
蕭望之傳望之所引止言天漢四年不云太始二年復
有詔也

征和二年更節加黃旄 劉居鵬傳云初漢節純赤以太
子持赤節故更爲黃旄加上以別之

立趙敬肅王子偃爲平王 平下脫干字南雍本閩本皆
有之孟康曰平干今廣平

後二年注帝年十七卽位 漢紀云年十六

昭帝紀

孝昭皇帝注荀悅曰諱弗之字曰不 案昭帝初名弗陵

武帝後元二年立皇子弗陵爲皇太子是也後但名弗
故諱弗不諱陵

母曰趙婕妤 說文婕女字也嫵女字也讀若余二字連
文知許氏以婕嫵爲婦官名史記外戚世家尹婕妤好韋
昭曰婕承好助也一曰美好也

始元元年益州廉頭姑繒牂柯談指同竝二十四邑皆反
談指同竝二縣屬牂柯廉頭姑繒益州郡無此二縣
遣水衡都尉呂破胡募吏民 案西南夷傳百官表並作
呂辟胡師古音辟爲璧

齊孝王孫劉澤謀反 劉澤書姓以其謀反外之使若異
姓然

皆以前捕斬反虜重合侯馬通功 討馬通事在武帝後

元元年

五年軍正王平擊益州 此卽上文故廷尉王平也

元鳳元年龍領侯韓增 增表作曾領宣紀作維竝誤

丞相少史王壽 下文封延年倉宮壽則其人名壽功臣
表作王山壽補史記作王山

四年帝加元服 惠帝紀云皇帝冠與此書法不同博物
記孝昭皇帝冠辭曰陛下擣顯先帝之光曜以承皇天
之嘉祿欽奉仲春之吉辰普尊大道之郊域秉率百福
之休靈始加昭明之元服推遠冲孺之幼志蘊積文武
之就德肅勤高祖之清廟六合之內靡不蒙德永永與

天無極

孝文廟正殿火太常坐大不敬會赦太常轅陽侯德免爲庶人注文穎曰轅音料德江德也轅陽在魏郡清淵

案百官表始元六年轅陽侯江德爲太常四年坐廟夜郎飲失火免與本紀同水經洪水注云昭帝封太常江德爲榆陽侯攷史記補表作遼陽侯江德田廣明傳廐齊夫江德封轅陽侯田延年傳上封德轅陽侯而功臣表止有轅陽侯江喜又不言其有罪免官或疑別是一人然江喜不見史傳而江德則確鑿可據其爲名德無疑變文爲喜者傳寫之誤不言有罪免官者免官而不免侯也郊祀志有轅陽侯師古曰江仁也元帝時坐使

家承上印綬隨宗學仙免官江仁卽江德之子也

贊亦有燕盡上官逆亂之謀 盡與蓋同卽長公主

宣帝紀

孝宣皇帝注荀悅曰詢之字曰謀 帝初名病已元康二年改名詢

毋買餅所從買家輒大讎 古售字作讎史記高祖本紀
每酤畱飲酒讎數倍索隱曰樂彥云借讎爲售蓋古字
少假借耳今亦依字讀

就齊宗正府 齊讀爲齋

本始元年車騎將軍光祿勳富平侯安世萬戶注李斐曰
居光祿位以車騎官號尊之無車騎官屬 案李說非

也百官表元鳳元年光祿勳張安世爲右將軍光祿勳
六年遷元平元年右將軍安世爲車騎將軍光祿勳七
年遷是安世初爲右將軍光祿勳故表云光祿勳并右
將軍也迨改官車騎仍兼光祿勳車騎本非加銜安得
謂之無官屬乎

杜侯屠耆堂 堂字衍功臣表但云屠耆本紀五鳳三年
匈奴虛聞權渠單于死右賢王屠耆堂代立非杜侯也
霍光傳亦誤作屠耆堂說者乃謂功臣表脫堂字誤矣
注成帝侍內郡舉方正 侍南雍本岡本並作時

賜天下人爵各一級 人當作民

四年廣川王吉有罪廢 坐嘉姬不道吉表傳及漢紀皆

作去

地節元年有星孛於西方 五行志云去太白二丈所
二年光祿大夫平北侯王遷有罪下獄死 坐平尚書聽
請受減六百萬

五日一聽事 旨下各奉職奏事 聽事下南雍本闕本竝
有自丞相三字

清河王年有罪廢 坐鳥獸行

元康元年庶不允諧 不南雍本闕本竝作尹

骨肉之親粲而不殊 漢紀作放而不誅案昭公元年左
氏傳周公殺管叔而蔡蔡叔注云蔡放也陸氏釋文云
上蔡字音素葛反說文作榮从殺下米此作榮字榮之

誤也漢書多古字故作繁

神爵二年屢獲天福 屢漢書皆作婁此獨不然誤

五鳳元年左馮翊韓延壽有罪棄市 坐誣愬典法大臣

欲以解罪

二年匈奴呼遼累單于帥眾來降 卽義陽侯厲溫敦

平通侯陽憚 陽南雍本作楊閭本作楊

甘露元年二月丁巳大司馬車騎將軍延壽薨 表與漢

紀俱作三月

太上皇廟火 五行志作中山太上皇廟災

二年遣護軍都尉祿將兵擊珠崖 祿漢紀作張祿

行幸黃陽宮注應劭曰宮在鄠秦文王所起 東方朔傳

作倍陽李斐音賁爲倍故字又作倍負倍古通用夏本
紀負尾地理志橫尾山古文以爲倍尾月令云王賁生
呂覽作王菩穆天子傳注云賁今菩字皆其證也說文
酈右扶風酈鄉讀若陪酈鄉卽賁鄉宮在其鄉故以名
焉酈正字賁倍並段借用耳

詩云率禮不越 毛詩禮作履古禮與履通蕭望之傳及
韓詩外傳說苑並引作率禮

三年單于罷歸之長樂衛尉高昌侯忠 之當作遣南雍
本岡本並不誤

詔諸儒講論五經同異太子太傅蕭望之等平奏其議上
親稱制臨決焉 案是時與議石渠者易家博士沛施

離黃門郎東萊梁丘臨書家博士千乘歐陽地餘博士
濟南林尊譯官令齊周堪博士扶風張山拊謁者陳留
假倉詩家淮陽中尉魯韋元成博士山陽張長安沛薛
廣德禮家梁戴聖太子舍人沛間人通漢公羊家博士
嚴彭祖侍郎申輓伊推宋顯許廣穀梁家議郎汝南尹
更始待詔劉向梁周慶丁姓中郎王亥其可考者凡二
十三人議奏之見於藝文志者書四十二篇禮三十八
篇春秋二十九篇論語十八篇五經雜議十八篇凡一
百六十五篇易詩二經獨無議奏班氏失載之耳

迺立梁丘易大小夏侯尚書穀梁春秋博士 漢紀有公
羊春秋左氏傳七字蓋誤也劉歆傳可證

四年廣川王海陽有罪廢坐殺人

元帝紀

大臣楊惲蓋寬饒等 盡南雍本閭本作蓋

奈何純往德教 任當作任

初元二年嚴饒池田假與貧民 嚴古嚴字說文嚴惟射

所蔽者也籊禁苑也應劭曰籊在池水上作室可用棲

鳥鳥入則捕之

應說見文選注

乃二月戊午地震於隴西郡 地震事見詔書故於二月

不書避重出

毀落太上皇廟殿壁木飾 案高帝紀十年八月令諸侯

王皆立太上皇廟于國都隴西郡非諸侯王都何以有

此廟所未解也又攷惠帝紀令郡諸侯王立高廟此所毀落者或是高廟歟

注師古曰煬音供養之養也 師古南雍本閩本皆作鄭氏說

令從官給事宮司馬中者注應劭曰司馬中者宮內門也案漢舊儀皇帝起居儀宮司馬內百官案籍出入營衛周廬晝夜誰何殿外門署屬衛尉殿內即署屬光祿勳黃門鉤盾署屬少府

十二月丁未御史大夫貢禹卒 案是年御史大夫陳萬年先卒不知何以不書

注雍讀曰 曰下脫雍字

注稼或作臧 臧南雍本閭本竝作桑

永光二年吏六百石以上爵五大夫勤事吏各二級 爵
自五大夫以上爲官爵故必六百石以上乃賜之其勤
事吏之二級民爵也

四年六月甲戌孝宣園東闕災 五行志作孝宣杜陵園
東闕南方災

注永上有職事者 事南雍本閭本竝作字

家有不妥之意 不妥閭本作不自妥

五年秋潁川水出流殺人民 五行志是年夏及秋大水
潁川汝南淮陽廬江雨壞鄉聚民舍及水流殺人

注蛾若今之蠶蛾類也 閩本若字上有成羣二字

建昭元年冬河間王元有罪廢坐殺人

二年益三河郡太守秩漢紀云益秩中二千石

竟寧元年注應劭曰虜韓邪單于願保塞邊竟得以安寧故曰冠元也案應說是也說文無境字竟卽境也且其詔曰邊垂長無兵革之事意義顯然小顏拘泥詔中長字故以竟爲終極之言果如其說在漢人文義必曰永寧矣

御史大夫延壽卒延壽不書姓疑脫

注帝年二十七卽位漢紀元帝卽位年二十六據本紀云年二歲宣帝卽位則苟紀是

贊元帝多材藝善史書注應劭曰周宣王太史史籀所作

大篆 三史拾遺曰應說非也漢律太史試學童能識書九千以上乃得爲史貢禹傳武帝時盜賊起郡國擇便巧史書者以爲右職俗皆曰何以禮義爲史書而仕宦蓋史書者令史所習之書猶言隸書也善史書者謂能識字作隸書耳豈皆盡通史籍十五篇乎外戚傳許皇后聰慧善史書西域傳楚主侍者馮嫫能史書王尊傳少善史書後漢書安帝紀年十歲好學史書皇后紀鄧皇后六歲能史書梁皇后少好史書章八王傳安帝所生母左姬善史書齊武王傳北海敬王睦善史書當世以爲楷則明八王傳樂成靖王黨善史學喜正文字諸書所稱善史書者無過諸王后妃嬪御之流略知隸

楷已足成名非真精通篆籀也魏史管寧傳潁川胡昭
善史書與鍾繇邯鄲淳衛顗韋誕並有尺牘之迹動見
楷則史書之卽隸書明矣

有古之風烈 閩本風烈下有也字

成帝紀

六月己未太子卽皇帝 己未誤荀紀作乙未

建始元年皇曾祖悼考廟災 五行志作皇考廟災

有星孛于營室 五行志青白色長六七丈廣尺餘

二年三輔長無其張繇役之勞 張晏曰張帷帳也

文選東都

賦注 小顏以爲供其張設故不取其說

三年秋閩內大水 五行志是年夏大水三輔霖雨三十

餘日郡國十九雨山谷水出凡殺四千餘人

七月虜上小女陳持弓 五行志作十月丁未

十二月戊申朔日有蝕之 谷永傳云日食嫫女之分

四年罷中書宦官注臣瓚曰漢初中人有中謁者令孝武
加中謁者令爲中書謁者令置僕射 案瓚說非也百
官公卿表少府有中書謁者黃門鉤盾何方御府永巷
內者宦者七官令丞諸僕射署長中黃門皆屬焉又曰
成帝建始四年更名中書謁者令爲中謁者令然則漢
初但有中書謁者令成帝罷中書之名改爲中謁者令
耳豈得謂武帝所加乎僕射亦非孝武始置

初置尚書員五人 漢官儀云尚書四員武帝置成帝加

一爲五有侍曹尙書戶曹尙書主客尙書二千石尙書

成帝加三公尙書主斷獄事

見後漢書光武紀注

中謁者丞陳臨百官表有中書謁者令丞是時令已改爲中謁者則丞亦改矣故有中謁者丞

注言令陳農爲使而吏反下使使之求遺書也上使音所讀如本字吏反下使四字當在音所二字之下

洵平四年遣光祿大夫博士嘉等十一人嘉漢紀作孟

嘉

行舉瀕河之郡瀕與類同俗作濱

固之不能自存者財振貸古財與裁通泰卦象曰后以

財成天地之道荀爽本財作裁荀子非十二子篇一天

下財萬物楊倞注云財與裁同史記封禪書民里各自財以祠漢書作自裁

陽朔二年黎民於蕃時雍 蕃當音薄河切蕃變聲相近三年潁川鐵官徒申屠聖等 案潁川陽城有鐵官

四年先帝劬農 爾雅釋詁劬勉也說文亦云劬勉也請若舜樂韶

服田力耜 耜古耜字詩伐檀云不稼不穡石經魯詩殘碑作耜書無逸云先知稼穡之艱難蔡邕石經作耜商書舍我穡事史記作耜

鴻嘉元年以新豐戲鄉爲昌陵縣奉初陵 郡國志新豐有戲亭三輔舊事云成帝作延陵及起廟寶將軍有青

竹田在廟南恐犯蹈之言作陵不傾乃徙作昌陵取土
十餘里土與粟同價御覽三十七永始元年詔曰作治五年
客土疏惡正謂此也

二年博士行飲酒禮漢紀作行鄉飲酒禮

三年孝景廟闕災五行志作北闕

廣漢男子鄭躬男子五行志作鉗子師古曰鉗徒也

永始元年戾后固闕火五行志作南闕

其罷昌陵及故陵陳景雲曰及當作反先是劉向諫昌
陵事有宜還復故陵之請而次年詔言侍中衛尉長數
白宜早止徙家反故處故處卽故陵也反故陵謂仍還
渭城延陵

三年殺陳西太守 太守嚴普也見天文志

四年霸陵因闕災 五行志作孝文霸陵因東闕南方災

元延元年昭儀趙氏害後宮皇子 書之爲後宮專寵者

戒

綏和元年封中山王舅諫大夫馮參爲宜卿侯 卿當作

鄉

贊升車正立不內顧不疾言不親指注師古曰不內顧者
謂儼然端嚴不迴眄也此三句者本論語鄉黨篇今論
語云車中不內顧不疾言不親指內顧者說者以爲前
視不過衡軛旁視不過轡較與此不同 如小顏說則
古本論語是車中內顧也前視不過衡軛旁視不過轡

較非漢儒不能有此精確詰訓唐本尙不誤注中今論語不內顧衍不字贊中不字疑亦是後人所加師古不能舉正之耳

哀帝紀

追尊傳父爲崇祖侯丁父爲褒德侯 追尊之侯表例不載

曲陽侯王根成都侯王況皆有罪 坐山陵未成置酒歌舞

建平二年時詔夏賀良等建言改元易號 時當作待

三年帝太后所居桂宮正殿火 正殿五行志作鴻寧

殿

平帝紀

少府董恭等皆免官爵 案公卿表建平四年光祿大夫
董恭爲少府元壽元年遷衛尉二月爲光祿大夫此仍
云少府者蓋是時官職遷徙無常恭是董賢之父當哀
帝時不應致仕或以光祿大夫仍爲少府也

性者有司多舉奏赦前事 性當作往

元始元年追謚孔子曰褒成宣尼公 宣尼之號始見於
此晉劉琨詩宣尼悲獲麟

二年賜故曲周侯鄺商等後元孫鄺明友等爵關內侯
案功臣表明友是商元孫之孫此誤

罷安定呼池苑以爲安民縣注師古曰中山之安定也池

音大河反 案顏說非也中山無安定縣若以爲近於
序池河亦當在河開國之樂成弓高開矣

三年鄉曰庠聚曰序 韋昭曰小於鄉曰聚見文選東都賦注此

顏注所本

注以陸高祖元孫之親 陸閭本作睦

注故爲之傳 爲當作謂

注因到獵日 獵當作臘

五年 五行志是年七月己亥高皇帝原廟殿門災盡本

紀不書

葬康陵 孝平爲葬所鳩不書弑者春秋諱內大惡之意
惟於葬不書日以示變例

注媵之言送

送下南雍本閩本有也字此誤刻于又音

孕之下

漢書辨疑卷二終

漢書辨疑卷三

嘉定錢大昭晦之甫學

異姓諸侯正表

殷周之王乃繇禹稷 說文僕高辛氏之子堯司徒殷之
先人契聲又曰禹蟲也从舛象形讀與僕同禹古文
禹是禹即契也

曰德若彼用力如此其艱難也 尋顏注則艱當作藉說
文艱土難治也籍文艱从喜

漢元年 是年歲在乙未十月受秦王子嬰降

一月注應劭曰十八王同時稱一月 此一月據本紀是
乙未歲之第五月漢都南鄭獨不載所以別於十八王

五年王韓信始都下邳

五年芮徙長沙 本紀王長沙豫章象郡桂林南海等郡

子尉嗣爲王 尉史記作謹

王趙歇始下云二十七 歇以二世二年正月立爲趙王

至項羽改封歇爲代王凡二十七月也膠東之二十遼

東之三十一 漢書作三十 魏之十九韓之二十二竝放

此

王田市始故齊將 項羽傳徙齊王田市爲膠東王此當

云故齊王

紹反降匈奴 本紀在十二年表在十一年誤

漢元年十月王韓信始漢立之 項羽誅韓王成後羽以

故吳令鄭昌爲韓王距漢至是時鄭昌降漢漢乃立韓太尉爲韓王言漢立之者別於楚所立

信徙太原 本紀六年以太原郡三十一縣爲韓國徙韓王信都晉陽

王彭越始 都定陶

王鄭昌始項王立之 誤下一格

初置魯國 當在高后元年下今在七年下誤也初置淮陽國復置常山國初置呂國其誤同

高后六年竊坐驕廢王呂產始 誤下一格

高后二年共王若嗣 若傳作右非

孝文二年靖王產嗣 產傳作差史記作著皆形相似而

訛

諸侯王表

有逃責之臺注劉德曰洛陽南宮諺臺是也 說文諺離

別也周景王作洛陽諺臺

姍笑三代 說文姍誹也

武帝施主父之冊 冊與策同

漢諸侯王厥角詣首 說文詣下省也詣古稽字

楚元王交 傳云王薛郡東海彭城三十六縣本紀云以

碭郡薛郡郟郡三十六縣立弟文信君交爲楚王史記

世家云王淮西三十六城惟吳王傳則云元王王楚四

十城其數與諸篇不合傳云東海紀作郟郡郟郡卽東

海也。楊卽梁國高帝五年。旣以梁封彭越。元王何由得之本紀誤。

父王禮三年薨。傳作四年。

襄王注嗣。注史記世家作經。

十二年薨。傳及世家作十四年。

代王喜。喜傳作仲。漢紀云。次兄曰喜。字仲。本紀以雲中雁門代郡五十三縣立兄宜信侯。喜爲代王。表不云以宜信侯立。猶楚元王之不言文信君也。

七年爲匈奴所攻。棄國。史記作九年誤。

吳王濞。傳云王三郡五十三城。當是吳會稽鄣三郡。伍被

傳云王四郡之眾。

齊悼惠王肥 本紀云王膠東膠西臨菑濟北博陽城陽
七十三縣吳王傳云薛子悼惠王王齊七十二城漢紀
云王七十縣攷曹參傳定齊郡凡得七十縣又云參之
相齊齊七十城漢紀是 孝惠二年獻城陽郡爲魯元
公主湯沐邑高后元年割濟南郡予呂王七年割琅邪
郡立劉澤爲琅邪王文帝元年復以城陽琅邪濟南予
齊

正月壬子立 高五王傳但云正月立史記作正月甲子
證以本紀則壬子是甲子非也

孝文十六年孝王將闕以悼惠王子楊虛侯紹封 案高
五王傳齊濟北菑川膠東膠西濟南六王同日俱立此

表於五王之封皆云四月丙寅而齊孝王獨闕蓋紹封之王例不書月日也六王之封文帝紀皆作五月

城陽惠王武十二年薨 闕本及傳作十一年

荒王順 順史記作賀

王偃以雲弟紹封 傳作雲兄

菑川考王尙六年薨 傳作五年

懷王友 闕本及傳作交此友字誤

濟南王辟光以悼王子扞侯立 悼下脫惠字師古曰扞

音力案服虔音勒扞平原縣

膠西王卬 景帝時有罪削六縣見吳王傳

膠東王熊渠 高五王傳作雄渠

荆王賈 王東陽郡鄣郡吳郡五十三縣

見本紀

世家云王

淮東五十二城

高帝從父弟 傳作從父兄

淮南厲王長十一年十月庚午立 史記作十二月

淮南王安衡山王賜濟北王勃表皆云四月丙寅封 本

紀作五月

濟北成王胡 成傳作式史記作武

王寬謀反自殺 案本傳寬坐與父式王后光姬孝兒姦

諄人倫自殺非謀反也

趙隱王如意九年四月立 案本紀七年十二月辛卯立

爲代王九年正月徙趙紀云正月表云四月蓋本紀稍

用秦正作表者追改之也表傳俱不言其自代徙封失之略矣

代王高后八年爲皇帝 漢書之例凡皇帝初封之國表中皆不書名尊君之意也如膠東王陽武侯皆是

趙王遂孝文元年以幽王子紹封 元年十二月封

燕靈王建十二年二月卅午立 史記作三月誤

梁懷王揖 賈誼傳作小子勝史記亦作勝

十年薨亡後 本紀十一年六月薨表數其在位之年紀載其薨之年故不同

孝王薨孝景後元年恭王買嗣 案景帝紀中六年夏四

月梁王薨分梁爲五國立孝王子五人皆爲王文三王

傳同則恭王嗣立當亦在中六年五月丙戌若作後元年則止有濟川濟東山陽濟陰四國不得爲五人且不應先封所分之四王而恭王之嗣反在第二年也傳寫之誤顯然

貞王母傷 傳作頃王

濟川王明以孝王子桓邑侯立 桓邑傳作垣邑其陳留之長垣歟

坐殺中傳廢遷房陵 案文三王傳坐殺其中尉史記同武帝紀坐殺太傅中傳應劭曰中傳宦者也歿百官表諸侯但有太傅輔王中尉掌武職別無中傳之職應仲達以爲宦者亦以意揣之爾傳作中尉是

濟陰哀王不識七年薨 七年當作一年

代孝王參七年薨 傳作十七年表脫十字

河間共王不周 傳及史記竝作不害周字誤

剛王基 基傳及史記作堪

頃王綏 綏傳及史記作綬

孝王慶四十七年薨 傳作四十三年是

惠王良 綏和二年益封萬戶

魯共王餘二十八年薨 紀作元朔元年史記作元光六年

頃王封 封傳作劬

江都易王非高帝子 高當作景

廣世王宮 紀作廣川傳作廣陵案水經注陰溝水下過水又東巡廣鄉城北固稱曰襄邑有蚺邱亭故廣鄉矣改曰廣世

趙哀王高以頃王子紹封 案哀王高當與懷王尊同行此誤下一格

長沙戴王庸 史記作康王

中山懷王脩 脩傳作循

廣平王漢 傳云哀王復立雲客弟廣漢爲廣平王是其人名廣漢也脫廣字

臨江愍王榮七年十一月己酉立 本紀作正月

廣川王汝陽 紀傳作海陽

廣德靜王榆 榆本紀及王子侯表竝作倫景十三王傳
於中山靖王勝下云哀帝復立雲客弟廣漢爲廣平王
薨無後平帝元始二年復立廣川惠王曾孫倫爲廣德
王奉靖王後於廣川惠王越下云元始二年復立戴王
弟襄隄侯子熡爲廣德王奉惠王後論者遂疑元始中
同時有兩廣德王殊不知成帝鴻嘉二年以丹陽之黟
縣置廣德國封雲客爲王奉靖王後未久而亡後國除
哀帝建平三年復封雲客弟廣漢于廣平至王莽篡乃
廢是中山靖王元始中未嘗乏祀何必以廣川惠王之
曾孫爲後乎中山王傳中薨無後平帝元始二年至奉
靖王後二十六字竝見衍文廣德國廢而復置非有兩

廣德也

以惠王曾孫戴王子紹封 案正子侯表襄隄侯聖廣川
繆王子聖子倫爲廣德王傳云戴王弟襄隄侯子此表
戴王下脫弟字

膠東哀王賢十四年薨 傳作十五年

恭王授 恭傳作共古字通用

王殷嗣王莽篡位貶爲公 按莽傳改殷爲扶崇公殷弟
徐鄉侯快起兵殷自繫獄益邑滿萬戶地方百里

六安恭王慶元狩二年立 案景十三王傳慶與兄膠東

王賢同封賢之封在二年此亦宜然本紀作三年是

夷王祿十四年薨 四字衍傳作十年

繆王定二十三年薨 傳作二十二年是

眞定孝王山 由闕本作申

共王普 其後漢書郭后紀作恭

泗水思王商十五年薨 五字衍傳及史記竝作十年

勤王綜 綜當從紀傳作煖

廣陽王嘉王莽篡位貶爲公 案武五子傳王莽時皆廢

漢藩王爲家人獨嘉以獻符命封扶美侯賜姓王氏

廣陵共王意十三年薨 十字衍傳作三年

哀王護 闕本作護人

昌邑哀王博天漢四年六月乙丑立 本紀作四月

元始元年王賀嗣 元始當作始元

隨父兄入人 兄當作凡

東平思王宇甘露二年十月乙亥立 本紀作九月

王匡 是東平王開明之兄誤下一格

中山王成都 此當在中山孝王興之下班氏所以附於

東平思王下者天子至尊不可與藩王並列也定陶王

景附于楚孝王下亦此意

獻書言莽德封烈侯 烈當作列

楚孝王躡十月乙亥立爲定陶王 本紀作正月

懷王芳 芳傳作文

思王衍以孝王子紹封 故平陸侯

十一年薨 傳作二十一年是

王紆王莽篡位貶爲公子 子字衍

定陶共王康王欣嗣綏和元年爲皇太子 案宣元六王
傳成帝無子徵欣爲皇太子上以太子奉大宗後不得
顧私親乃立楚思王子景爲定陶王奉其王後此表已
於楚孝王下載之故不重出猶中山王箕子爲成帝後
更立東平思主孫桃鄉侯子成都爲中山王奉孝王
後已載在東平思王下故中山下不再見非闕文也